

LVK FINALE

VRIJDAG 22 JANUARI 2016

EVENEMENTENHAL VENRAY

LVK 2016



DE PIËLHAAS
VENROJ



DE PIËLHAAS 7x11 JAOR



Welkom beej De Piëlhaas!

**Weej waense gâns Limburg
hieël veul schik ien Venroj!**



40^e LVK-FINALE

vriedig 22 jannewari 2016

VENROJ Evenementehal

Prissentasje:
Beppie Kraft & Henk Hover



Samesjtelling: Jos Cremers, Sjtichting LVK
Vormgaeving: Piet Rooijackers, Buro Pro
Omsjlaag: Milton Cavis, Studio Spinazie
Foto's: Fred Janssen
Drök: Schrijen-Lippertz

VEURWOORD VEURZITTER SJTICHTING LVK

105 Kilomaeter afstand zit er tussen de Rodahal in Kirchroa wao wae veurig jaor te gast ware en de Evenementenhal in Rooj wao de LVK finale dit jaor geit plaatsvinge. Det is ein behuurlik eind mer met de auto bisse der in ruum ein oor. Efkes rieje dus mer ongerweges kumse wel veurbeej al die plaatse van waoroet dit jaor 228 leedjes zien ingezonden um met te daon aan het allergroëtste volksculturele leedjeskonkoer van gans Nederland en misjien wel van gans Europa en as mich nemes taege spraekt wellicht van de ganse waereld!!

Het LVK verbingt de taal, de muziek en de vastelaovescultuur van gans Limburg, van Eijsde tot de Mookerhei. Daarum trekt de LVK finalekaravaan elk jaor auch door de ganse provincie. Van stad nao dörp, van het zuuje nao het noorde en van de ein megahal nao de angere. 'Es vastelaovend Limburg benne velt' dan gaon wae mit z'n alle deraan. Net wie Spik en Span die mit dae titel in 2015 welverdiend mit de hoëgstste ier ging strieke. In 2006 waren wae vur het letst in Rooj oftewel Venray. Toen nag in de Sporthal. Mit as winnaar 'Wat zaeter' van de Boshuuske Ontspanningsvereniging oeht Bor. Vandaag geit eine nije winnaar

oeht 20 finalisten wer zien eige gesjiedenis sjrieve.

Aan het reglement hebbe wae dit jaor neet veul veranderd. Det haaje wae veurig jaor al gedaon. Ein

traditie blijft in stand asse ein good evenwicht vings tusse wat mot blieve en waat neet miër van deze tied is. Daarum hebbe wae wal de kaartverkoop aangepast. Internet makt al die lange rieje wachtenden bei de kaartverkoop nou overbodig. Het gemaak dint auch de LVK-mins.

L1 heet de 60 halve finalisten ein prachtig podium gegaeve. Behalve op de radio zien het nou vur het erst auch drei volwaardige TV-oetzendinge gewore. De vastelaoves belaeving is daomet allein mer toegenomme.

Vastelaovesvereniging De Pielhaas teikent deze kiër wer veur de organisatie van deze finale aovend.



Joep Verbugt

Det is hun zeer good toevertrouwd want det hebben ze ierder beweze. Dank veur alle vreejwillige inzet um dit heej meugelik te make. Dank auch aan alle sponsors en neteurlijk alle hoofdjuryleden die precies tussen Kirchroa en Rooj, in Grathem, twië zadderdigge in december opgeofferd hebben um het spraekwoordelikke kaf van het koren te sjeiden.

Mede names al mien collega bestuursleden wins ich allemaol eine prachtige aovend en alle artieste hiël erg veul succes. Eine kilomaeterslange druim is begonne...

En wae houwe op de kis umdet er veur de 40e kiër ein LVK finale is!

Joep Verbugt

Veurzitter Sjtichting LVK



SJTICHTING LVK

't Besjtuur besjteit oet (vlnr):

Ron Aspers, de Ruiver • John Habets, Broenssem
Erik Brouns, Zjwame • Brigitte van Eck, Wieërt
Joep Verbugt, Helje • Elise van Wordragen, Helje
Jos Cremers, Gelaen • Jan Volleberg, Mestreech
Neet oppe foto: Stan Spauwen, Èèsde

info@stichtinglvk.nl

Vastelaovesvriende en Vastelaovesvriendinne uut de gânse previnsie Limburg

Allemól hártelik welkòm ien 't lând van de Piëlhaas, en dit jaor al 7x11 jaor 't lând van de Piëlhaas. Weej zien dan ok biezoonder verieërd dat 't roondtrekkend LVK 'circus' dit jaor zien tente hit òpgeslage beej de Piëlhaas ien òs mojje Noord-Limburgse Venroj.

Wat is nòw de Vastelaovend zoonder meziek... jao hieëmól niks!!! 't Is d'n toeën die de meziek mekt en welke toeën dat mekt mit 'n Vastelaovesliedje nog nie zó veul uut. Már zoeëas mit hieël veul ding ien 't laeve kunde aover persoeënleke smaak gén diskussies voëre. Iederieën hit zien vurkeur ok ien Vastelaovesmeziek.

Nòw is 't geweldege àn 't LVK, dat gâns Limburg wel 'n diskussie gôt voëre aover wat 't mojste liedje van 2016 ien Limburg is, en dat gebeurt ien de LVK finale. Vandaag òp 22 janewarie striejde de 20 uutverkore liedjes ien dees finale um d'n titel LVK winnaar 2016.

As de stemme van de vâkzjury en van alle sms stemmers strákkes zien geteld dan hebbe weej enne winnaar, már ien fejte zien alle 20 finaliste winnaars. Elke finalist schriëft historie en hiër is de olimpiese gedaachte: mitdoën is belângrieker dan winne, zeker òp zien pláts.



Jan Arts

Vastelaovend ('n stuk kulturieël aerfgoed) zoonder meziek is as ennen taart zoonder slággroeëm en lôt nòw net 't orgenieëre van de LVK finale van 2016 vur òs as Piëlhaas ien òs 7x11 jubeleejumjaor de slággroeëm zien.

Ik waens alle finaliste hieël veul suukses tiejes dees finale en dat geldt netuürlek ok vur alle bezūkers hieël veul pleziër.

Vastelaovend same.

Jan Arts

Vurzitter vv de Piëlhaas



DE PIËLHAAS 7x11 JAOR



DE PIËLHAAS 7x11 JAOR

VURWOORD

van d'n Òpperpieëlhaas, schout-börgemaester van Venroj

Nog már 'n paar waek geleeje mòchte weej ien 't Roojse raodhuus de hoeëge dillegaasies van de Saamewirkende Limburgse Vastelaovesvereniging òntjvángé um de hógste oonderschejning ien de Orde van de Gulden Humor uut te rejke án de beroemde Limburger Frans Pollux. 't Was enne práchtigen dág!

En nòw schriëve weej al wér twieëdüzendzestiën en stón weej án de vuraovend van datgene dat ás ien Limburg, net as de flaa, áltied wér verieënegt: de vastelaovend. Weej zien 'r gròts òp dat de Venrodse Pieëlhaze, òp zuvvenenzuvventegjörige laeftied, gâsthieër meugt zien van 't Limburgs Vastelaovesleedjeskonkoer. Meziek en vastelaovend zien twieë kânte van ieën medállie. Meziek en vastelaovend verboedere, verbiende, slón brugge.

As Òpperpieëlhaas en as Schout van Rooj hiet ik alle gâste en ártieste van hárte welkòm en waens ik òllie allemól òpperneejt ennen ònvergaeteleken dág toe ien òs schónne Rooj.



Laot òs Vastelaovend wér schriëve mit de V van Vriendscháp, de V van Verdraagzaamheid én de V van Venroj!

VASTELAOVEND SAME!

Hans Gilissen,
Òpperpieëlhaas, Schout van Rooj



Now Weej

Het Limburgs volkslied wordt vanavond gezongen door Now Weej.

Now Weej zijn zes enthousiaste Venrayse mannen die elkaar van jongs af aan kennen met onder andere één gemeenschappelijke hobby: zingen! Al geruime tijd treedt de groep op bij diverse gelegenheden maar vooral met carnaval.

Now Weej heeft verschillende schlagers op hun naam staan die te vinden zijn op de cd's van vastelaovesvereniging 'De Piëlhaas'.

In seizoen 2014-2015 werden ze nummer 1 met het nummer 'Van jongs af gedaon'.

Eén van de hoogtepunten van Now Weej was wel het optreden op het volgepakte Vrijthof in Maas-tricht op de 11e van de 11e 2014 tijdens de opening van het vastelaovesseizoen.



Now Weej
Zangers Limburgs Volksleed

Het Limburgs Volkslied 'Limburg mijn Vaderland'

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt
Waar de hoorn des herders schalt
langs der beekjes boord

refrein:

*Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!*

Waar de brede stroom der Maas
statig zeewaarts vloeit
Weeldrig sappig veldgewas
kost'lijk groeit en bloeit
Bloemengaard en beemd en bos
overheerlijk gloort

Waar der vaad'ren schone taal
klinkt met held're kracht
Waar men kloek en fier van aard
vreemde praal veracht
Eigen zeden, eigen schoon
't hart des volks bekoort

Waar aan 't oud Oranjehuis
't volk blijft hou en trouw
Met ons roemrijk Nederland
één in vreugd en rouw
Trouw aan plicht en trouw aan Geus
heerst van Zuid tot Noord



Alweer het 40e Limburgs Vastelaovesleedjes konkoer! Waat begos es ein festival om de Hollandse platte carnavalstekste boete de deur te hauwte, is in veer decennia oetgegreuid tot ein van dé vastelaovespeilers van os prachtige provincie. De grootste vastelaovesleedjeswedstrijd ter wereld zörg noe al jaore veur hieël vâöl luuj plezeer, sjpanning, ontlaaijing en, jao, ouch aaf en toe controverser, sjus wie in het normale laeve. En wie sjiek is het det weer mit Spik en Span dit geweldige toernooi aafgeloupe jaor mochte wenne. Geluif os, dit zulle weer noait, nae noait vergaete.

Spik en Span

Eigelik gek, om de begrippe 'vastelaovend' en 'wedstrijd' in ein woord te gebroeke. Want vastelaovend is gein competitie, is gein sjport. Het is ein geveul, lestig oet te legke of euver te drage. Doe hōbs het of doe hōbs het neet, of baeter gezag: het haet dich te pakke of neet.

Mer waat waal ein feit is det sjus dees leedjes, die os eige vastelaovesgeveul probere te besjrieve, door deze wedstrijd enorm qua niveau zeen gesjtege;

daobiej euvorstijge ze veur os geveul het Hollandse leedjes rippertwaar in het algemeen, en het 'carnavals' rippertwaar in het biezunjer. Vandaar os veursjpling det benne 11 jaor ein LVK leedje op nummer 1 sjtuit in de Nederlandse top 40. Oftewaal vriej nao Rowwen Hèze, tis ein kwestie van geduld, veurdet heel Holland ein LVK leedje brult... En dao haef de Stichting LVK den toch mer sjoan veur gezörg.

Weer wunsje ederein eine sjieke wedstrijd en ein werm vastelaovesgeveul...

Jo en Niek van Spik en Span





De Breurkes

Tekstdichter: *Robert Janssen en Mark van Mullekom*

Compenis: *Mark van Mullekom*

Plaats: *Kepel*



Häök mer in

Refrein:

*Kom nów en häök mer in, van dörpke wies groëte stad
Wals alle kroege, zale, pleine, same plat
Kom nów en häök mer in, sjoenkel uch oét de naod
Huur 's, ut hert van Limburg sleit un drej-kwarts-
maot*

Slot:... Jao dit oetgebred gehäök is puur gelök veur
jònk en aod

Couplet 1:

De Maas gaon ich gaer euver mèt ut veer
Det dink det deint zoe zalig op en neer
En ich weit good det d'r un brök is, mer ut leefste
vaar ich sloom
Det ich wiegend op ut water in de juuste sjoenkel-
stumming koom

Couplet 2:

Dees daag gaon al die leedjes lekker snel
Mer van un welske kriég ich kiepevèl
Jao dan zeen ich de 'sterre straole', veul mich wie
Rieu zoe riék
't Is geneete as ich dan in al die twinkelende auge
kiék

Brök:

En... haoj deze wals op staum zoe desse vanaaf de maon
Os golvend Limburgs lank van links nao rechts zuus gaon!



LVK02

Paul-Jean Jessen

Tekstdichter: *Thei Wessels*

Compenis: *Thei Wessels*

Plaats: *Zitterd*



Hie is gein WiFi

Refrein:

*Hie is gein WiFi mer ein awd wief hie
Och waat ein sjtief prie. Ich zeen ze al
Hie is gein WiFi. Noe kóm en blief hie
Went dao is sjtömming op ós maskesbal
Hie is gein WiFi mer ein awd wief hie
Sjteit boete kief hie en baovenal:
Laot ós danse wie 'ne dölle
Oze feesboek lekker völle
Zónger tweets vol sjaele kal*

Couplet 1:

Dat oere eppe eppe
En digitale kleppe
Dat ewig tutte-beppe
Dao zeen veer aan versjlaaf
Noe kóm èns same zjwiere
Laot gaon die euvergaaf
Went wo veer same viere
Geit 't daak d'r knatsj van aaf...

Couplet 2:

Veer make mit 't tsjetje
En al dat internette
Noe drie daag korte mette
Veer gaon noe analoog
Dus eppe pès d'n aovend
Dat wurd neit mee gedoog
Gein Hesjtek Vastelaovend
Mer 't duumpke blie omhoog...

Brök:

Hie danse de aw wiever
Mer hie is gein bereik
En ich bèn eine bliever
Went ich waer offline gelike...

Sjlot:

Is waat dat wief hie zónger WiFi zègke zal!

Ronald en Carien

Tekstdichter: **Robert Janssen**

Compenis: **Ronald Moonen**

Plaats: **Wieërt**



Eîn Limburg

Refrein:

*Vastelaovendj bringtj, waat os allemaol verbingtj
Want noow huuër, heej klîntj: eîn Limburg
Alles és versierdj, op muziek flînk gezwierdj
En noow preuf; heej viertj: eîn Limburg
Weem âl det schoeëne zuût, dae veultj meteîn
Hieël Limburg is noow eîn!*

*Boonte kleurepracht, lekker fieëste daâg en nacht
En noow kiek: heej lachtj, eîn Limburg
Slot regel laatste refrein:
En noow kiek: heej lachtj, gieët op volle kracht,
straoltj in âl zien pracht:
Eîn Limburg*

Couplet 1:

Dao 14 leuke clowns, mét allemân zeen di-j op stap
Dao tél ich 7 dwerge, lekker lallendj aanne tap
10 dansmariekes oppe buhn(e) sprînge inne maot
En de joekskepèl di-j speeltj noow mét waal 15 mân
op straot

Dit és 't fieëst waat mich bevélty;
Och, waat heb ich aafgetéldj!

Couplet 2:

Dao luiptj de Raod van 11, hiêgendj achter eure Preens
Dao fladdere 5 feetjes, di-j vervölle ed're weens
De kiet van 20 joonges, hólte de beker inne locht
Nao de jas van boonke 30 wurtj mét allemân
gezochtj

Dit és 't fieëst waat mich bevélty;
Och, waat heb ich aafgetéldj!

Brök:

Di-j gekdje vingtj heej nemes raar
Bringtj edereîn zjuust beej mekaar
Limburg kân neet soonger
Oos 8e werreldjwoonger



LVK04

Vee & Dee

Tekstdichter: *Rob Dijcks en Peter Vincent*

Compenis: *Peter Vincent en Rob Dijcks*

Plaats: *Heële*



Tis Vasteloavesweër

Refrein:

*Kòm heij, kòm heij, leef lüj
Gans limburg veult zig heppie onger òzze perreplu
Loat goa, leef lüj
Doeh wits, ut doeërt mèr dreij daag lank, gister,
murge, hüj
Dus drieën deë perreplu uns um en vang deë sjpas
mèr òp
Zoeëdat vur nog get ekstraas hant went sjtraks die
buij wèr sjtopt
Kòm heij, kòm heij, leef lüj
Vier mit onger òzze vasteloavesplu*

Brök:

Vieër danse durg de sjtroate en âl vilt òp òs neer
Doeh kans dig d'ròp verloate, tis vasteloavesweër

Couplet 1:

Ut reëgent vasteloavend
Sjpas drüppelt òp d'r kop
Un wolkbreuk va konfettie
Weëd dweile mit d'r mop
Un plensbuij va plezeër
Lieët sjtiege ut nievo
Zoeë krieste heij d'r karneval
Graat wie ut weër, kado

Couplet 2:

De zon die wörpt de sjtroale
Wie serpentienes oeht
De hitte lieët òs zjwete
Sjmienk drüpt òs va de hoeht
Ut oehtgesjtruijde leeg
Zet sjpotlaits òp de sjoow
Zoeë krieste heij d'r karneval
Graat wie ut weër, kado



LVK05

W-Dreej

Tekstdichter: ***Quinn Warmerdam***

Compenis: ***Quinn Warmerdam***

Plaats: ***Venlo***



As vastelaovend neet bestónd

Refrein:

*As vastelaovend neet bestónd
En stel, weeje waare neet heej gebaore
Waat zoel d'r dan, van Jan en alleman
En van ós heej zien gewaore?
Ós dialek, waat ós verbind
Det hadde weeje dan neet gespraoke
En waare weeje, vandaag en noow
Heej allemaol neet opgedaoke!*

Couplet 1:

Zónder vastelaovend
Hadde weeje heej noow vandaag neet zoeë beejein
gestaon
Zónder vastelaovend
Hadde weeje as vastelaoveszengers neet bestaon
Dan had ik mien geleefde noeijts gekind
En waas d'r genne joeks, dae alles euverwint
Det is 'n laeve waat mich gaar neet zint...

Couplet 2:

Zónder vastelaovend
Waas d'r hiélemaol gen kans gekker te doon as dich
Zónder vastelaovend
Rak mien hiéle laeve maar ouk det van dich óntwrich
Want as d'r neemes met de scepter zweijt
En genne mins zich as waat anders haet verkleid
Dan is d'r niks mier waat ós ónderscheidt...

Couplet 3:

En waare weeje gebaore in ut weste van ut land
Dan zónge weeje neet met de zaagte maar met harde G
En euver al ós leedjes sprook me heej allein maar
schand
Die kwaame gaar neet van dao, maar juus van heej!

LVK06

De Kloomp

Tekstdichter: *Arno Claessens en Luc Volders*

Compenis: *Luc Volders*

Plaats: *Meersje*



Is dat noe leuk?

Refrein:

*Is dat noe leuk, is dat noe vastelaovend
Moot dat noe ech, dat levert toch allein mèr klachte op
Is dat noe leuk, is dat noe vastelaovend
Jao want oprech, um joeks en pech, te kinne lache
is toch Top
En of dat um mich zelf is, of um de grwatste zeur
Es 't einmaol elf / elf is, hauw ich de sjeegel veur
Is dat noe leuk, wat haws dich dan gedach
Bekiek t leeve, leve leeve, leever met 'ne lach*

Couplet 1:

Veer reeje mit d'n optoch met, sjus veur de Prinse-
waage
Confetti houwe veer gekoch, zwah völ veer kooste
draage
Veer sjmeete en veer gwejde, veer gwaigde alles vol
Un vrouw zeit hauf gewejde, wat is hie noe van de lol
Ich kaom hie mit mien kinger, meh die bin ich noe
kwiet
Begrave oonder mèters, van dai rotzooi dat geer sjmiet

Couplet 2:

In Heerle kreege veer get beer, um leedsjes te goon
zinge
Die dachte ech dat veer, cultuur dao kaome bringe
Meh wie veer waore oetgeraas, de chaos waar compleet
Toen heve zie op eine Aos, de bühn die zaogs se neet
En nao oos mos un Diva op, die vroeg is dat noe leuk?
Nei dich strieks doezend euro op, lachs dich allein
ein breuk

Brök:

En doog toch neet of alles zwanne ramp is
De wèts es 't carnaval is, dat alles eine sjamp is

LVK07

René Dirkx

Tekstdichter: *Phil Schaeken*

Compenis: *Phil Schaeken*

Plaats: *Zitterd*



't Sjoonste feeske van 't jaor

Refrein :

*Vastelaovend, vastelaovend, sjoonste feeske van 't jaor
Vastelaovend, vastelaovend, kóm, lèk alles noe mer klaor
Leer de leidjes, zuik de sjminkdoos, pas 't pekske,
"Zit 't goud?"
Want dit feeske, dat zal blieve, 't zit bie ós jao in 't bloud
Luuj, ich kèn 't neit besjrieve, vier 't mit, 't deit dich goud*

Couplet 1:

't Is nog sjtil in de sjtad, gein geluud, mirkste dat?
't Liek of jederein zach lik te sjlaope
De kafee is nog toe, kastelein haet nog roe
De frituur is nog ummer neit aope
Jao, de tróm in de kas en de träöt höbbe ras
'ch Mót 't pekske nog effekes sjtrieke
Mer inèns: "Kóm èns flot, is dat neit vors Marot
En de prins ouch d'rbie, mós te kieke !.."

Couplet 2:

't Is nog sjtil in de sjtad, gein geluud, mirkste dat?
Optochhal, bènne is 't nog duuster
Kiek, de Mert, dae is laeg, versjaald beier, gein krae
In de kirk heur ich gans zach gefluuster
Bie De Phil, De Sint Joep, 't is sjtil oppe sjtoep
De Marotte, jao, die euverlègke
Mer inèns: "Heur, meziek, mós te loestere, kiek
Ich verklap 't, ich zal 't mer zegke ..."



LVK08

Spik en Span

Tekstdichter: *Bas Keltjens*

Compenis: *Mark van Mullekom*

Plaats: *Zöstere*



Kampioene van de nach

Refrein:

Kampioene van de nach

't Ganse landj ligk al te sjlaope, mer hiej in Limburg

is nog aope

Kampioene van de nach

Kump het op neet nao hoes gaon aan

Sjtaon weer einzaam baovenaan

Dus weer gaon draan!

Couplet 1:

De beste sjpek-mit-eier-braojers, die braoje nog
get lekkers hiej

De leste tot-'t-enj-volhaojers trekke nog get tied
d'r bie

Want vastelaovesdaag die doere tot de gezet wurd
rondj gebracht

Weer komme hiej pas laat op toere want weer
zeen de...

Couplet 2:

De beste net-neet-zuuver-zangers zette nog dit
leedje in

En alle nog-efkes-blieve-hangers zenge mit zoa hel
et kin

Want vastelaovesnachte sjloete es de gezet is rondj
gebracht

Ze kriege os hiej neet nao boete want weer zeen
de...

Couplet 3:

En alle haos-in-sjlaop-gevalle vastelaovesvrunj

Sjreeuwe weer noe wakker want sjlaope det is zunj

LVK09

Irene Lardy

Tekstdichter: **Guus Steinen**

Compenis: **Guus Steinen**

Plaats: **Gelaen**



Zoa haet 't Bertha bedoeld

Refrein:

(ode aan Bertha ter gelegenheid van het 40e LVK)

*Jao jao jao zoa haet 't Bertha bedoeld,
Dat veer met z'n alle hie plat blieve kalle
Zo haet 't Bertha bedoeld
Hie wurd Limburgs gezònge en Limburgs gemoeld*

laatste refrein:

Lai digge digge dai dai dai... lai lai lai lai
Lai digge digge dai dai dai... lai lai lai lai
Lai digge digge dai dai dai... lai lai lai lai
Hie wurd Limburgs gezònge en Limburgs gemoeld
Ja zoa en neet angesj haet zie 't bedoeld!!

Couplet 1:

Bie òs maak ver leedjes die zèng ver met uch
Van grote sjtad pes 't kleinste gehuch
Hie zèng ver gein hollesj, es doe dat mer wits
Die zènge dao auch neet os Limburgse hits

Couplet 2:

Noe veertig jaor later, dat zuuste toch hie
Ligk Eijsde en Mook 'n gans sjtök korterbie
Dae aafsjtandj dae haet zie beheurlijk verkleind
Jao zo haet 't Bertha destieds auch gemeind

Couplet 3:

Mer soms -noe en dan- nou dat sjanpste toch neet!!
Wurd hie en dao sjtiekem toch holles gedrejt
Es Bertha dat heurde:... zo'n hollese sjtöm ...#|@?
Dan drejde zie zich in 't graaf drie keer um

Brök:

En sjtraks in d'n hemel - kiek dao neet gek van op
Kènt ederein elk Limburgs leed oet de kop
Want zie haet dao baove... gegarandeerd!!
Eederein... vas... òze leedjes geleerd...

Scoretabel 40e Finale LVK 2016



			Hoofdjury LVK	jury LVK finalisten	Jury Burgemeesters	Vastelaoves- jury	SMS/Telefoon	Totaal	Plaats
	In volgorde van optreden:	Plaats	Jury1	Jury 2	Jury 3	Jury 4	Jury 5	pnt	
01	<i>Häök mer in</i>	Kepel							
02	<i>Hie is gein WiFi</i>	Zitterd							
03	<i>Eîn Limburg</i>	Wieërt							
04	<i>Tis Vasteloavesweër!</i>	Heële							
05	<i>As vastelaovend neet bestónd</i>	Venlo							
06	<i>Is dat noe leuk?</i>	Meersje							
07	<i>'t Sjoonste feeske van 't jaor</i>	Zitterd							
08	<i>Kampioene van de nach</i>	Zöstere							
09	<i>Zoa haet 't Bertha bedoeld</i>	Gelaen							
10	<i>Ederein</i>	Mofert							

Maximaal aantal punten per jury: 16

Scoretabel 40e Finale LVK 2016

			Hoofdjury LVK	jury LVK finalisten	Jury Burgemeesters	Vastelaoves- jury	SMS/Telefoon	Totaal	Plaats
	In volgorde van optreden:	Plaats	Jury 1	Jury 2	Jury 3	Jury 4	Jury 5	pnt	
11	Met vastenaovend	Grubbevors							
12	De Krach van de Lach	Baaksem							
13	Vastelaovesbuuje	Venlo							
14	Veer gaon wiejer	Valkeberg							
15	De meeste sjpas	Hölsberg							
16	Laef diene druim!	Hunsel							
17	Hier!	Venroj							
18	Vasteloavesblood	Heële							
19	Vastelaovestwinkels!	Mestreech							
20	Dreij met mich meij!	Grubbevors							

*Bij gelijke score wordt gekeken naar de uitslag van de hoofdjury 2016

La Bamba

Tekstdichter: ***Ron Roemen***

Compenis: ***Ron Roemen***

Plaats: ***Mofert***



Ederein

Refrein:

*Ederein dae hie oet Limburg kump
Is mit vastelaovendj good gestump
Dore kluuere laeve veer weer op
Geit 't gaas d'rop, kump nemes stop
Gaon veer oppe pedale staon, dan is 't mit de rös
gedaon
Det luuetj oos hert weer sneller slaon, veer blieve
drie daag gaon
Ederein dae hie oet Limburg kump
Is mit vastelaovendj good gestump*

Couplet 1:

't Begintj mit de kónfettieknal
't-Is veur ós 't bèste paerd van stal
Drie daag laote veer de teugels viere
Gaon veer ram door 't getuug
Mit de lieëw en oze nachtegaal
Wuurdj 't bieëstig good, det snap geer waal
Want same gaon veer ós noe begaje
Zeen neet te haje, gaef mer gaas

Couplet 2:

Noe kóm op, wie Verkes Wullem draan
't Verstandj op nul, de turbo aan
Want veur se-n 't wits is 't aswoonsdig
Is de kook zoea good wie op
Mer veur eine dae van hieëring hèltj
Bie 't lèste beer wuurdj dae gesjèltj
Kóm laot noe de glazer nag 'ns klinke
Dich neet bedinke, gaef mer gaas



Björn van Berkel

Teksdichter: ***Björn van Berkel***

Compenis: ***Martijn de Jong***

Plaats: ***Grubbevors***



Met vastenaovend

Refrein:

*Met vastenaovend, zien weej wir beejein
De meziek en de joeks halde ôs op de bein
Belaof mich, staon dreej daag aanein
Erm in erm, want gans Limburg is ein
Al weit ik ut is met Aswoensdig gedaon
Weej hôvve nag lang ni te gaon!*

Couplet 1:

Ik heb maonde gewach, dât veel mich bes zwaor
Mâr now zet ik alles opziej
De sjmienk en de kleier, die ligge al klaor
Ik fluit steeds wir die melodie
Want vastenaovend steit wir vur de deur
'k Maak aope, mien laeve krieg kleur

Couplet 2:

De wekker dae geijt, wir vuûl te vruug
Mâr ik ruûk al ut ei en kreboét
Hup in de kleier, al bin ik nag muug
De muts op, we gaon d'r op oét
Wao wât te doon is, staon ik iërste rang
Deurde dit mâr maonde lang

Brök:

Is d'r hiël efkes rûs
Vur en welske en kus
Pak dien leef vas, en zing mej gerûs



Pier & Stuf

Tekstdichter: ***Peter Francot***

Compenis: ***Peter Francot***

Plaats: ***Baaksem***



De Krach van de Lach

Refrein:

*Det is de krach van de lach
Dea zitj bie eederein van binne
Hoofs se neet mieër te lieëre kinne
Dea kriesse noeats mieër oet de kop
Det is de krach van de lach
Altied drbiej met zien verhoale
Dea meuktj dich bliej en luëtj dich stroale
Doa kin ech gaar niks teagenop*

(Slotzin: Doa kin TOCH gaar niks teagenop)

Couplet 1:

Mèt de vasteloavendj hingtj de humor in de loch
De lach zuus-se den öäveral dea is doa aan verknoch
Hea geit verkleijd en duit den breid vöär weam ut huëre wiltj
De weag bezeijd met joeksigheid, zien honger noeats gestiltj
Toet s'öaves laat geit hea oug mèt op stap
En den verteltj d'r ós zien allerbeste grap

Couplet 2:

Mèt de vasteloavendj kriegtj d'r eedrein op zien handj
Biej de buut den sjteit d'r in de ton, mèt de optoch langs de kantj
Tis noeats gedoan hea blijftj mer goan de bontje oavendj lang
Neet te versjloan, zurgtj vöär ein troan bie veule oppe wang
Lèts waas der meug en veulde hea zich slap
Maar juus toen sjaaterde wea oere om zien grap

Couplet 3:

Ein breije lach, zien druëge mop, of soms get zelfspot
En ut klinkt missjien waal gek maar döks den lachtj dr zich zelfs kapot



LVK13

Kristel Roulaux en Bart Janssen

Tekstdichter: ***Quinn Warmerdam***

Compenis: ***Quinn Warmerdam***

Plaats: ***Venlo***



Vastelaovesbuuje

Refrein:

*Vastelaovesbuuje, óntstaon heej in ut zuuje
Ut zunke brik heej door, de hebs de wind heej in de
rök
Weej zien neet verwónderd, det as ut weer ens dón-
dert
Neet oét de lóch kump valle
Det weej knalle van gelök*

'Aiaiaiai'

Couplet 1:

Heb ik ein gooje vastelaovesbuuj
Dan bóffe luuj um mich haer;...
Haol ik idderein heej oet dae winterdip
Met gek geflip en met plezeer
Zing ik ut leedje waat gewónne haet
En vergaet dan alle sleur
Dan deurt ut neet lang, en me wet wiéd en ziéd
Dae leuke tiéd steit veur de deur...

Couplet 2:

Ouk as ut midde in de zomer is
Dan kump beslis det moment
Det ik zoeë opens gans in de stumming bin
Bring gooije zin heej in de tent
Zing oét ut niks dit vastelaovesleed
En ik scheet confetti aaf
Zal ik heej gaon danse baove op de bar
Ik bin aan 'carnaval' verslaaf!

Couplet 3:

Weej zulle straole
As iérs verschaole
Vastelaovend as geschink ós oét d'n hemel velt
Net, wie de raeye
Veult ut as ein zaeye
Dit kinne weej neet misse, veur gen geld!

LVK14

Andy en Roy

Tekstdichter: *Quinn Warmerdam*

Compenis: *Quinn Warmerdam*

Plaats: *Valkeberg*



Veer gaon wiejer

Refrein:

*Veer gaon wiejer wao veer zjuus zeen blieve sjtaeke
Achter emes ziene rög um gaon veer door
En probeer dat dan maar ins te ónderbreke
Dat kriégste zoa mer van ze laeve nog neet klaor
Nao ein tiédsje loupend platgeduujd te weure,
Tösje eine dieke boék en breije rög
Wil ich mich neet miè mèt laote sjleure
Meh óndertösje loup ich loker in de zök*

Couplet 1:

Rakelings vloog mich hiej die riej aan mich veurbie
Mien haor weijde mich rechop op de kop
Ich loup sjnel um d'n hook, want dao is nog ein
plaetske vriej
Dao kump 'r, door de massa heen geprop!
De polonais haet mich in ut vizier
De veursjte dink; "Aan dich is noe de ièr..."

Couplet 2:

"Dit is de kans" en sjpring d'r sjtiékem tösjenoét
Ich veul mich gaans verlos van óngemaak
Ich sjrief: "LAOT MICH GEWAERE!"
Op ein diek besjlage roét
En dink, dat kriég ich neet mièr op mien daak
Al zit ich braaf versjaole op ein krök
Ich weur d'r altied tösjenoet geplök

Couplet 3:

Veer sjtaon hiej neet veur niks met microfoon
Aan dae ganse 'polonaise' hoove veer neet mèt te
doon
Meh, wat euverkump ós noe? Dat is ech óngeloge!
Door un ónbekinde krach, weure veer d'r weer in
mètgezaoge...

En sjnap mich dan weer eine in de kraag
Dan is dat houpelek de lètste kièr vandaag!

LVK15

De Geliënde

Tekstdichter: *Maurice Pluijmakers*

Compenis: *Jos Gijzen*

Plaats: *Hölsberg*



De meiste sjpas

Refrein:

*De meiste sjpas per m2,
de meiste sjpas per kop van 't volk
Kom, goaj dich d'r in, dan weurt 't nog baeter,
wae laef hie in Limburg, dae laef op 'n wolk
De zals t'r mer wone, de zals t'r mer wèrke,
dan höbs te toch zelf allang kènne mèrke:
De meiste sjpas per m2,
de meiste sjpas per kop van 't volk*

Couplet 1:

Wiel dae gong es helle wèrker van 't CBS
op zeuk nao statistieke van Limburg op zien bès
Dat haet mich ein gedoert jóng,
want Wiel is ambtenaer
noe haet 'r get gevóng, dat huère v'r gaer:

Couplet 2:

Vastelaovesgekke höbbe nieks mit statistiek,
die zègge: "kom laot gaon man, en maak dich neet
diek De sjpas maak veer toch zelf en bès mer neet
bang, wat Wiel haet oetgevóng, dat wis veer al-
lang!"

Brök:

Veer wille alles óngerzeuke en verklaore,
de 'facts & figures' höb v'r bie de hand
Meh ein dink is beweze door de jaore:
de vastelaovend geit baove ós versjtand



LVK16

Marleen Rutten

Tekstdichter: ***Marijke Gijsen en
Mark van Mullekom***

Compenis: ***Mark van Mullekom***

Plaats: ***Hunsel***



Laef diene druim!

Refrein:

*Laef diene druim en maak 'm zoe sjoeën asse kins
Gaef ed'ren daag get biezunjers wie's doe 't dich
wins*

*Laef diene druim en maak 'm zoe sjoeën asse kins
En vergaet dit neet, as doe de daag begins
Veer de vastelaovendj good: doe laefs mer ins*

Couplet 1:

Auge wie sterre die kieke mich aan
Vertelle vastelaovesverhaole
Numme mich mit in dae heerlikke waan
Want dich leuts mich van binne weer straole
Auge wie sterre... dae lach dae mich zeet
Kom en laot ut gebeure: belaeft en geneet!

Couplet 2:

Kom nog 'ns efkes get dichter bie mich
Den kin ich in dien auge verdrinke
't Is vastelaovendj det zeet dien gezicht
Dao hoof se dich neet ins veur te schminke
Straolende kiekers die zinge voloet
Dien vastelaovesdruime... die komme hie oet!

Brök:

En tover nao aswoonsdig, de lach op dien gezicht
Den laeve wae same, dae druim van dich en
mich!!!



LVK17

Bjorn & Mieke

Tekstdichter: *Roel Gommans*

Compenis: *Jules Reivers*

Plaats: *Venroj*



Hier!

Refrein:

Hier is 't te doen!

Hier is 't te zien!

*Hier gaon weeë wat belaeve wat ge nurges anders
viend!*

Hier is 't te doen!

Hier wille we zien!

Wat ge hier ziet ziede nurges en urg'es anders nie!

Couplet 1:

't Is un rare vraag misschien

Hèt iemes dèn van meeë gezien?

't Fieëst is al begonne

Màr heej hèt al mien bònne!

Ik bin d'r al, waar bliefde nòw?

Hier is 't mòj, dus kom maar gauw

Waar 't wèrt gevierd

De vastelaovend brengt òs hier!

We make de verhale tot de mearge os kumt hale

We misse niks went iederskieër belaeve weeë 't hier!

Couplet 2:

Dit is de plek die òs verbiend

En waar ik òw nòw òk wèr viend

Zoeë halde weeë de waacht

Vur de vastelaovesnaacht!

Hier vuult 't goed, 't kan nie op

Òs moment en alles klopt

We gaeve net wat mier

Dat kan allieën màr mit os hier!

We make de verhale tot de mearge os kumt hale

We misse niks went iederskieër belaeve weeë 't hier!



LVK18

Paul en Leo

Tekstdichter: *Paul Münstermann en Leo Keularts*

Compenis: *Paul Münstermann*

Plaats: *Heële*



Vasteloavesblood

Refrein:

*Vasteloavesblood, vasteloavesblood
Vier wete neet wat dri zit
Mè 't sjmak ós toch zoeë good
Vasteloavesblood, vasteloavesblood
En zint vier neet bloodduësjtig
Sjmak 't ós nog eëvegood*

Couplet 1:

Joa, mit d'r vasteloavend
Weëd óp de kis gehouwe
En mage vier d'r oet
Es deuksjke vuur 't blouwe
Da rük 't noa verkleide
Noa sjmienk óp de vizaasj
En hat ós ieësjte sjlüksjke al
Ee tsemliq promilaasj

De ouwerwetsje bloodwoeësj
Die sjmak ós wie sjoklaat
Nieks sjunder vuur te lepsje
Es frisj blood oet ee vaat

Couplet 2:

't Krüp woeë 't neet goa kin
Joa, zelfs ónger de neël
D'r groep zal ós egaal zieë
Vier hant dich bei de keël
Wie hoeëger dat d'r druk is
Wie groeëter is 't bad
En has-te óch nog soeker
Da hant vier pries gehad

D'r nektar vuur vampiere is
't Blauw blood va d'r Prins
Me kint zie blood waal drinke
Elf liter óp zie mins

Brök:

Huit me bei ós d'r pin d'r i
Da zage vier ajuus
En legke vier ós werm ee joar
Geweun aan 't infuus

LVK19

Katja

Tekstdichter: *Eric Reck en Charel Jeuken*

Compenis: *Eric Reck*

Plaats: *Mestreech*



Vastelaovestwinkels!

Refrein:

Es diech d'r bis, daan krijg iech twinkels in mien ouge

Es iech diech zeen, veul iech sjevraoje euveral

Diech bis 't bèste wat miech oets is euverkoume!

Weit zeker tot iech altied vaan diech hawwe zal

Zelfs de sjoemkraag van eus pèlske, waggelt mèt op eder welske

Limburg veult zich bij diech thoes, wie 'ne vlinder op 'n roes

Es diech d'r bis, daan krijg iech twinkels in mien ouge

Es iech diech zeen, veul iech sjevraoje euveral

Couplet 1:

't Ganse jaor weurt d'r nao diech oet geloert

Diech bis wie ze zègke, de keers op de toert

Diech haols ech 't bèste nao bove in miech

Dien kleure die sjèldere eder geziech

Door diech löp heij alles dreij daog oet de maot

En weurt der aoch euver niks anders gepraot

Couplet 2:

En weur iech get awwer en ouch al get gries

Jao, wat ouch gebäört, iech geef diech noets pries

Iech sleet daan mien ouge en dink weer aon diech

E trääneke perelt daan langs mie geziech

Daan haang iech de vlag oet es diech d'r weer bis

Diech bis en diech blijfs toch 't sjoenste wat is!



LVK20

Ald Prinse Convent

Tekstdichter: *APC Schrieverscollectief*

Compenis: *APC Schrieverscollectief*

Plaats: *Grubbevors*



Dreij met mich meij!

Refrein:

*Ik heb d'n dreij gevônde
En dreij now alles um
lërs dich um miene vinger
Daonao bis dich dân um
Ik gaef nag enne rônde
Dus dreij dich now ni um
Dit zien de schoênste dinger
Dao dreijt ut heej toch um*

Couplet 1:

De kurk ônder de taofel
De kruk geijt op de fles
De stum scheif op de kop
Mien muts klink op zien bes
Ik gaon wir truuk nao aaf,
kiék dreej daag achterum
Ik kwaak, kwaak dân, nag is alaaf en dreij wir alles um

Couplet 2:

Ik molk twië kiër d'n baum
En klôm hoëg in de koe
D'n tak begôs te spinne
Die kat brook af en hoe
Ik gaon wir truuk nao aaf, kiék dreej daag achterum
Ik kwaak, kwaak dân, nag is alaaf en dreij wir alles um



Publieksjtumme per SMS of telefoon

Auch geer kint mitbepale wae 't LVK-2016 geit winne

De publieksjtumme tèle veur 1/5e deil mit in de eindoetsjlaag

Geer kint mètdoon door ein sms te sjikke of te belle en op **drie unieke leedjes** te sjtumme

SMS € 0,70 per sms

SMS nao 4422

01 Haok mer in	Kepel	01
02 Hie is gein WiFi	Zitterd	02
03 Eîn Limburg	Wieërt	03
04 Tis Vasteloavesweër!	Heële	04
05 As vastelaovend neet bestónd	Venlo	05
06 Is dat noe leuk?	Meersje	06
07 't Sjoonste feeske van 't jaor	Zitterd	07
08 Kampioene van de nach	Zöstere	08
09 Zoa haet 't Bertha bedoeld	Gelaen	09
10 Ederein	Mofert	10

Telefoon € 0,70 per gesprek

0909 – 202 70 30

Veurbeeld SMS: LVK *spatie 01 spatie 02 spatie 03*

of bel nao 0909-202 70 30 en volg de instruksies

SMS € 0,70 per sms

SMS nao 4422

11 Met vastenaovend	Grubbevors	11
12 De Krach van de Lach	Baaksem	12
13 Vastelaovesbuuje	Venlo	13
14 Veer gaon wiejer	Valkeberg	14
15 De meiste sjpas	Hölsberg	15
16 Laef diene druim!	Hunsel	16
17 Hier!	Venroj	17
18 Vasteloavesblood	Heële	18
19 Vastelaovestwinkels!	Mestreech	19
20 Dreij met mich meij!	Grubbevors	20

Telefoon € 0,70 per gesprek

0909 – 202 70 30

Euverzich winnaars 't Limburgs Vastelaovesleedjes Konkoer

JAOR	HERKOMS	TITEL	COMPENIS	TEKSDICHTER
1977	Mestreech	Vaan Eysde tot de Mokerhei	J. Innemee	B.Salden
1978	De Ruiver	De zaagte geej	J.Theelen	A.Wassen
1979	Gelaen	Dan kal ich plat	B.Erkens/T.Arts	B.Werkens/T.Arts
1980	Zitterd	De beierheering	H.Wijnands	H.Wijnands
1981	Remunj	De vastelaovend heurt bie Limburg	N.Reijners	N.Reijners
1982	Göttekaove	Zoa moosj 't kènne blieve	G.Steinen/G.Wauben	G.Steinen/G.Wauben
1983	Gelaen	Mie Limburgs blood	B.Erkens	M.Zijlstra-de Loo
1984	Meersje	Doa moste mèt ljière léve	L.Volders	L.Volders
1985	Gelaen	Hawt 'm vas de vastelaovend	Bert Dijcks	J.Ridderbeekx
1986	Mestreech	Jao heij in Limburg	J.Duchateau	J.Duchateau
1987	Lin	Wiebölle	J.Evers	P.Evers
1988	Venlo	Minse wie weej	G.Aerts	F.Boermans
1989	Venlo	De knappe(rikke)	F.Boermans/G.Aerts	F.Boermans/G.Aerts
1990	Gelaen	Ich tik neet richtig	B.Erkens	M.Zijlstra-de Loo
1991	Venlo	Det is ein joekskepel op joets	J.Jacobs	S.Maaskant
1992	Venlo	Waat hebbe we 't toch good	F.Boermans/G.Aerts	F.Boermans/G.Aerts
1993	Tegele	'nne Late	P.van den Akker	P.van den Akker
1994	Venlo	Heej of dao	G.Aerts	G.Aerts
1995	Haors	De ganse santekraam	T.Kleeven	C.Kuipers

de Bertha-Paulissen Trofee

OETVEURENDE	FINALEPLAATS
The Walkers	Gelaen
Lei Driessen	Gelaen
B.Erkens	Gelaen
P.Eijkenboom	Gelaen
N.Reijners/D.Reijners	Gelaen
De Zjweitvuit	Gelaen
Roed is Droof	Gelaen
Leon Volders	Remunj
Jan Ridderbeekx	Heëlehei
Beppie Kraft	Gelaen
Duo twee plus	Gelaen
De Kammeräodjes	Gelaen
W.Vestjens en H.Cromvoets	Gelaen
Ben Erkens en zien maedjes	Gelaen
Hay en Paul Peeters	Gulpe
W.Vestjens en H.Crompvoets	Lin
Thei & Marij	Tegele
W.Vestjens en H.Cromvoets	Baek
de Wazelvotte	Roggel

OETVEURENDE	FINALEPLAATS
The Walkers	Gelaen
Lei Driessen	Gelaen
B.Erkens	Gelaen
P.Eijkenboom	Gelaen
N.Reijners/D.Reijners	Gelaen
De Zjweitvuit	Gelaen
Roed is Droof	Gelaen
Leon Volders	Remunj
Jan Ridderbeekx	Heëlehei
Beppie Kraft	Gelaen
Duo twee plus	Gelaen
De Kammeräodjes	Gelaen
W.Vestjens en H.Cromvoets	Gelaen
Ben Erkens en zien maedjes	Gelaen
Hay en Paul Peeters	Gulpe
W.Vestjens en H.Crompvoets	Lin
Thei & Marij	Tegele
W.Vestjens en H.Cromvoets	Baek
de Wazelvotte	Roggel



foto: RedFrock Publishing

JAOR	HERKOMS	TITEL	COMPENIS	TEKSDICHTER
1996	Mestreech	Drejje!!	U.& B.Garnier	U.& B.Garnier
1997	Venlo	Had ik maar	J.Gubbels	F.Boermans
1998	Ulesjtraote	Opzie, Opzie, Opzie	G.Jacobs	G.Jacobs
1999	Mestreech	Iech höb diech weer gevoonde	Bert & Ursula	U.& B.Garnier
2000	Venlo	Josefien	W.Roeffen	Roeffen/Boermans
2001	De Ruiver	Good geammezeerd	A.Wassen	A.Wassen
2002	Gulpe	Wie d'r Herrgot Limburg had gemaak	Ben Erkens	Ben Erkens
2003	Venlo	Dèh dan, dao isse	Peter Jansen	P.Jansen & W.Janssen
2004	Heële	Tweemaol aafgezeëg(en nog te kót)	Münstermann/Keularts	Münstermann/Keularts
2005	Bor	Wat zaeter?!	Ben Erkens	Heffels/Dullens/Erkens
2006	Lömmerich	Dat zit bie os in de familie	Guus Stienen	Guus Stienen
2007	Grubbevors	Heej bliëf ik plekke	Rene Verschueren	Rene Verschueren
2008	Venlo	De kriebels	Frans Pollux	Frans Pollux
2009	Grubbevors	Ni miër en ni minder	Rene Verschueren	Rene Verschueren
2010	Venlo	Vandaag!	Quinn Warmerdam	Quinn Warmerdam
2011	Venlo	Kôm 's kiëke beej ôs	Quinn Warmerdam	Hannelore Winter
2012	Venlo	Doot 's gek	Quinn Warmerdam	Quinn Warmerdam
2013	Mofert	Laef, Limburg laef!	Ron Roemen	Ron Roemen
2014	Grubbevors	Onhendig leedje	Rene Verschueren	Rene Verschueren
2015	Zöstere	Es vastelaovend Limburg bënne vêlt	Mark van Mullekom	Bas Keltjens
2016	???			

OETVEURENDE	FINALEPLAATS
Duo Ammezase	Hors a/d Maas
W.Vestjens & H.Cromptvoets	Gelaen
Gaston en zien vrunj	Wieërt
't Merretkoer	Belvend
W.Vestjens en G.Deenen	Kirchrao
Dét môet kenne	Neel
Frans Croonenberg	Blierick
P.Jansen & W.Janssen	Zitterd
Paul en Leo	Berg
Böshuuske Ontsjpannings Ver.	Venray
Kartoesj	Stein
De Toddezèk	Neel
Bram & Ruud	Serum
De Toddezèk	Gelaen
W-dreej	Thoeat
W-dreej	Kepèl
W-dreej	Mergraote
La Bamba	Zjwame/Neel
De Toddezèk	Grubbevors
Spik en Span	Kirchroa
	Venroj



Winnaars 1995, Wazelvotte, 'De ganse santeakraam'



Index

	pag		pag
Veurwoord veurzitter LVK	2	1 Häök mer in	12
Veurwoord veurzitter organisatie	4	2 Hie is gein WiFi	14
Veurwoord <i>Hans Gilissen</i> , Schout van Rooj	6	3 Eîn Limburg	16
Limburgs Volkslied	8	4 Tis Vasteloavesweër!	18
Spik en Span (winnaar 2015)	10	5 As vastelaovend neet bestónd	20
		6 Is dat noe leuk?	22
		7 't Sjoonste feeske van 't jaor	24
		8 Kampioene van de nach	26
		9 Zoa haet 't Bertha bedoeld	28
		Score-formulier Finale	30-31
		10 Ederein	32
		11 Met vastenaovend	34
		12 De krach van de Lach	36
		13 Vasteloavesbuuje	38
		14 Veer gaon wiejer	40
		15 De meiste sjpas	42
		16 Laef diene druim!	44
		17 Hier!	46
		18 Vasteloavesblood	48
		19 Vastelaovestwinkels!	50
		20 Dreij met mich mej!	52
		Publieksstumme	54-55
		Euverzich winnaars	56-59

Vrunj LVK

Buro Pro Geleen

MediaKracht
Strategie-Ontwerp-Online

Schrijen-Lippertz
drukkers Voerendaal



HET 7 X 11 JUBILEUM VAN DE PIËLHAAS WORDT MEDE MOGELIJK GEMAAKT DOOR

Argowil

Janssen Venray Stucadoors

Thetru

Bol Accountants

Studio Spinazle

Jewagas

Carwellness Venray

Manders Automation

Claassens, Moolenbeek & Partners

Van de Mortel Assurantle Advies

Café Hotel Hulsman

Interal T.C.

Toff / Café 't Upke

Frank Nelissen

Kersten Europe

Xelvin

Inther

Vievermans Huidkliniek

Van Haren Autobedrijven

Personato

Van den Munckhof

Creemers Zellmakerij & Reclame

STICHTINGLVK.NL



ONTWERP: STUDIO SPINAZIE, VENRAY // IN OPDRACHT
VAN VASTELAOVESVERENIGING DE PIËLHAAS